

QUESTION ORALE DEPOSEE PAR
MELLE JOSEPHA GIACOMETTI
AU NOM DU GROUPE CORSICA LIBERA

OGGETTU : Dumanda a Bocca : Creazione di un « Scagnu prezzu è putere di cumprà »

Millai di corsi so oghje in situazione di precarietà maio. Numerose so e famiglie ch'un ponu più campà degni è chi so impaurite da l'avvene.

Un inchiesta esciuta pocu fà palesa chi 20 % di i fucali isulani campanu sottu à u dettu « seuil de pauvreté ».

Parechji studianti so oghje in difficoltà maio, ch'un li permette più di studià in cundizione bone..Ci tocca a noi à assicurà a tutti a libertà di pudè studià.

L'Insee piazza a Corsica cume a reghjone a piu povera, e paghe so di modu generale più basse chè in cuntinente, pè un impiegu à qualificazione uguale.

E pighjone so à un prezzu troppu altu e si sa chi 4 corsi nantu à 10 so in u sistema lucativu e più di 10 000 so in aspettu d'un alloghju suciale.

I ritirati so anch'elli tocchi dà a precarietà, 25 % tra di elli toccanu l'« allocation complementaire viellesse » cio chi li porta à campà in situazione di difficoltà maio in e cità ma dino in i paesi.

Dumenica scorsa nantu à Via stella un benevule di i Resto du Cœur ammentava a situazione di ritirati o di veduve d'agricultore, ch'un

la ci facenu più incu cio ch'elli toccanu a mese e so in l'obligu di chere aiutu a l'associi da pudè manghjà.

A sapemu tutti qui , a sulidarità ver'di nostri anziani, hè unu di i fundamenti maio di a sucetà corsa, è ne duvimu esse fidiD'un antru latu l'ultime in chieste di l'INSEE rispechjanu bè u sintimu di vita cara chi ognunu po avè quand'ellu va à fà e so spese.

Di marzu 2010 u sferenziale di prezzu nantu à i prudutti alimentairii hè 8,6 % più caru per rapportu à u Cuntinente.E ancu di più natu à d'altri prudutti. In Corsica di modu generale i prudutti di prima necessità so più cari. A grande distribuzione piattendusi daretu à u costu di i trasporti, praticheghja prezzi pruibitivi.

Cio ch'indebbulisce di più e spese di e famiglie. Numerosi so i Corsi chi oghje ùn ponu più manghjà cum'ellu si deve.

A nostra assemblea deve oghje agisce nantu à a prublematica di a precarità in Corsica. E deve ricercà è prupone suluzione cuncrete al di là di e so cumpetenze.Ben ch'ellu si deve purtà un azzione glubale a nostra dumanda d'oghje porta di più nantu à a vita cara è va in u sensu di i nostri ingaghjamenti di l'ultima campagna territoriale.

O Sgio Presidente di u Cunsigliu esecutivu, vi dumandemu in issu sensu dui punti cuncretti :

Vi dumandemu s'ella ùn vi pare micca impurtantissimu chi a nostra assemblea s' interrughesi nantu a pussibilità di dumandà l'allarghera di a prima d'insularità è di vita cara a tutti i ritirati è di mette in piazza un « Scagnu prezzu è putere di cumprà» piazzatu sottu à l'autorità di a nostra culletività quellu seria cumpostu d'eletti, di ripresententi di i gruppi cummerciali, d'associi di cunsummatori è di specialisti di l'ecunomia è di a statistica, s'adduniscerebbe regolarmente è seria in carica di fà una valutazione duie volte à l'annu.Da ch'ellu sia messu in piazza un cuntrollu di i prezzi praticati da a grande distribuzione.

A ringrazià vi.